

**GWEINIDOGION Y DU SY'N GWEITHIO MEWN MEYSYDD  
DATGANOLEDIG**

**77 - Rheoliadau Maeth (Diwygio etc.) (Ymadael â'r UE) 2019**

*Dyddiad gosod yn Senedd y DU: 16 Ionawr 2019*

**Sifftio**

A fydd angen sifftio yn Senedd y DU?	Na fydd
Gweithdrefn:	Cadarnhaol
Dyddiad trafod gan Bwyllgor Offerynnau Statudol Ewropeaidd Ty'r Cyffredin	Amh
Dyddiad trafod gan Bwyllgor Craffu ar Is-deddfwriaeth Ty'r Arglwyddi	21/01/2019
Dyddiad y daw'r cyfnod sifftio i ben yn Senedd y DU	Amh
Datganiad ysgrifenedig o dan Reol Sefydlog 30C:	Papur 13
Memorandwm Cydsyniad Offeryn Statudol o dan Reol Sefydlog 30A (oherwydd ei fod yn diwygio deddfwriaeth sylfaenol)	Dim angen

**Gweithdrefn graffu**

Canlyniad y broses sifftio	Amh
Y weithdrefn	Cadarnhaol
Dyddiad trafod gan y Cyd-bwyllgor ar Offerynnau Statudol	Ddim yn hysbys
Dyddiad trafod gan Bwyllgor Offerynnau Statudol Ty'r Cyffredin	Ddim yn hysbys
Dyddiad trafod gan Bwyllgor Craffu ar Is-deddfwriaeth Ty'r Arglwyddi	Ddim yn hysbys

**Sylwadau**

Mae'r Datganiad Ysgrifenedig yn cyfeirio at Reoliadau a osodwyd gerbron Senedd y DU ar 16 Ionawr 2019. Ar ôl hynny cafodd y Rheoliadau eu tynnu yn ôl, a gosodwyd fersiwn newydd o Reoliadau ar 17 Ionawr. Nid yw'n glir pam mae Datganiad Ysgrifenedig Llywodraeth Cymru, a osodwyd ar 18 Ionawr, yn cyfeirio at y Rheoliadau hynny a dynnwyd yn ôl. Codwyd ymholiad gyda swyddogion Llywodraeth Cymru.

Bwriedir i'r Rheoliadau hyn gael eu gwneud gan Lywodraeth y DU yn unol ag adrannau 8(1) a 23, a pharagraff 21 o Atodlen 7 i Ddeddf yr Undeb Ewropeaidd (Ymadael) 2018.

Diben yr offeryn hwn yw unioni diffygion yn neddfwriaeth y DU yn ymwneud â maeth, yn deillio o'r DU yn gadael yr Undeb Ewropeaidd ("UE"), pe bai'r DU yn gadael heb gytuno ar fargen. Mae'r offeryn hwn yn

diwygio deddfwriaeth ddomestig bresennol, a deddfwriaeth yr UE ddargedwir, yn ogystal â diddymu rhai darnau o ddeddfwriaeth trydyddol gysylltiedig yr UE na fydd yn gymwys i'r DU mwyach ar ôl gadael.

Y meysydd pwnc a gwmpesir gan y ddeddfwriaeth maeth hon yw: honiadau maeth ac iechyd a wneir ar fwyd; ychwanegu fitaminau, mwynau a rhai sylweddau penodol eraill i fwydydd; cyfansoddiad a labelu ychwanegion bwyd; cyfansoddiad a labelu bwyd ar gyfer grwpiau penodol; a gwerthu cynnyrch sy'n cynnwys Kava-kava.

Mae'r Cynghorwyr Cyfreithiol yn gwneud y sylwadau a ganlyn mewn perthynas â datganiad Llywodraeth Cymru dyddiedig 18 Ionawr 2019 ynghylch effaith y Rheoliadau hyn:

1. Nid yw'r datganiad yn gwneud yn glir bod y rhestr o gyfraith yr UE a ddargedwir a gaiff ei diwygio gan yr offeryn, fel y'i darperir yn y datganiad, yn rhestr gynhwysfawr. Mae cyfres o gyfraith yr UE a ddargedwir sy'n destun newidiadau mân a thechnegol gan yr offeryn hwn nad ydynt wedi'u cynnwys yn y rhestr yn natganiad Llywodraeth Cymru.
2. Hefyd, mae cyfraith yr UE a ddargedwir a ganlyn wedi'u cynnwys yn y rhestr o gyfraith yr UE a ddargedwir sy'n cael ei diwygio, pan mewn gwirionedd maent yn cael eu dirymu gan yr offeryn hwn:
  - 2013/63/EU: Penderfyniad Gweithredu'r Comisiwn (sy'n cael ei alw yn Rheoliad (EC) 2013/63 mewn camgymeriad yn natganiad Llywodraeth Cymru) - mabwysiadu canllawiau i weithredu amodau penodol ar gyfer honiadau iechyd a osodir yn Erthygl 10 o Reoliad (EC) Rhif 1924/2006 Senedd Ewrop a'r Cyngor;
  - Rheoliad (EU) Rhif 907/2013 gosod rheolau ar gyfer ceisiadau yn ymwneud â defnyddio disgrifyddion cyffredinol (enwau);
  - Rheoliad (EU) 489/2012 a oedd yn sefydlu rheolau gweithredu ar gyfer defnyddio Erthygl 16 o Reoliad (EC) 1925/2006 Senedd Ewrop a'r Cyngor ar ychwanegu fitaminau, mwynau, a sylweddau penodol eraill at fwydydd (er, yn yr achos hwn, mae Cynghorwyr Cyfreithiol yn nodi bod y disgrifiad yn y rhestr yn gwneud yn glir y bydd Rheoliad (EU) Rhif 489/2012 yn cael ei ddirymu).
3. Yn ogystal, mae gwall yn natganiad Llywodraeth Cymru, yn y rhestr o gyfraith ddiwygiedig yr UE a ddargedwir. Dylai'r pwynt bwled cyntaf nodi Rheoliad (EC) 1924/2006 (nid 1924/2206).
4. Er bod y Rheoliadau hyn yn cynnwys darpariaeth sy'n galluogi Gweinidogion Cymru i arfer swyddogaethau o ran Cymru yn ddilyffethair, maent hefyd yn cynnwys darpariaeth lle gallai Gweinidogion Cymru roi cydsyniad i'r Ysgrifennydd Gwladol arfer swyddogaethau o ran Cymru ar eu rhan.
5. Byddai swyddogaethau a drosglwyddir â chydsyniad i'r Ysgrifennydd Gwladol yn gyfystyr â swyddogaethau un o Weinidogion y Coron at ddibenion Atodlen 7B i Ddeddf Llywodraeth Cymru 2006. Mae'n bosibl, felly, fod hynny'n ystyriaeth

berthnasol yng nghyd-destun cymhwysedd y Cynulliad i ddeddfu yn y pynciau a amlinellir yn y crynodeb i'r adroddiad hwn yn y dyfodol.

6.

Ac eithrio'r pwyntiau a nodir uchod ym mharagraffau 1-5, mae'r crynodeb uchod a chynnwys y Memorandwm Esboniadol i'r Rheoliadau hyn yn cadarnhau eu heffaith.

Nid yw Cynghorwyr Cyfreithiol o'r farn bod unrhyw faterion sylweddol yn codi o dan baragraff 8 o'r Memorandwm ar Fil yr Undeb Ewropeaidd (Ymadael) a Sefydlu Fframweithiau Cyffredin mewn perthynas â'r Rheoliadau hyn.